

太平天国歷史博物館編

太平天国史料叢編簡輯

第五冊

中華書局

太平天国歷史博物館編

太平天国史料叢編簡輯

第 五 冊

中 華 書 局

太平天国史料彙編簡輯

第五冊

太平天国歷史博物館編

*

中華書局上海編輯所編輯

(上海紹興路7號)

中華書局出版

(北京復興門外翠微路2號)

北京市書刊出版業營業許可證出字第17號

中華書局上海印刷廠印刷

新華書店上海發行所發行 各地新華書店經售

*

850×1168毫米 1/32·15 5/8印張·324,000字

1962年12月第1版

1962年12月上海第1次印刷

印數：1—3,300 定價：(9)1.90元

統一書號：11018.5009 62.12.滬型

太平天国史料叢編簡輯第五冊目錄

第四部分 時聞

粵匪雜錄(選錄).....	一
時聞叢錄(選錄).....	六五
憶昭樓時事彙編.....	一六七
附錄：本冊書目解題.....	四九三

粵匪雜錄
(選錄)

目錄

卷一 諭旨

卷二 奏稿

翰林通班合奏粵匪之禍由於庸臣誤國摺

史（李）嘉端奏陳亳州失守文武陣亡受傷情形

摺

文瑞奏參查文經督辦河工潦草將事請飭賠修

片

文謙等奏陳督飭地方官設法勸捐並請撥給海

運漕米以備按日支發片

山東道監察御史方俊奏爲統兵大員悞國殃民

請撤銷卹典摺

李嘉瑞（端）奏爲查明鳳陽殉難官員親屬幕友

家丁及陣亡兵勇請分別賜卹摺

巡視中城御史鳳保奏請獎勵緝捕得力人員摺

大學士訥爾經額恩善奏陳前隊接戰獲勝情形

摺

國子監司業保極奏陳關帝顯靈請陞崇祀典摺

卷三 函牘

蘇州馬遠林信

撫憲包封信

常州來信

丹陽縣信

江西廣信史守來信

丹陽縣稟

道轅抄發總理江蘇籌防局務熊世琪札

溧陽來信

泰州來信

靖江來信水營委員吳授之寄

仙居廟來信

江陰縣稟

藩署抄江寧府趙守稟

副貢生潘欲仁稟何學憲

管帶潮勇董事劉廷瑛稟

丹陽縣稟

丹陽縣稟

丹陽縣稟（蘇州府內抄出）

太平府稟

徽州來信

丹陽來信

上洋三茂拆糖店來信

嘉定來信

丹陽縣稟

蘇州府寄來上海確信

嘉定緊報

嘉定來信

太倉城來信

兼理嘉定縣鄭揚旌稟

丹陽縣稟

蘇州府來信

太倉州稟

寶應縣稟

青浦縣稟

太倉州稟

蘇藩臬臺稟督撫憲稿

蘇省來信

道憲接蘇城揚來信

道轅來信

丹陽縣稟

青浦來信

太倉來信

丹陽縣信

倪方伯致浙江臬臺余

附錄 太倉聞見錄

崑山來信

南京來信

蘇垣防衛局來信

接蘇州府來信

抄錄常邑確信

捐局來信

太倉來信

太倉來信

藩署來信

常昭接常州縣信

丹陽縣稟

蘇州府致常昭兩邑信

宜荊兩縣會稟

附錄 紳董酌議章程並收捐截串各照式樣

丹陽信

試用同知李濟川嘉定縣知縣吳煦稟

夷船索去天主堂照會

卷一 諭旨

七月初五日奉上諭：『御史方俊奏統兵大員誤國殃民，請旨撤銷卹典一摺。已故兩江總督陸建瀛，前因喪師失律，降旨革職拿問查抄。嗣怡良查明該督於破城時遇賊被害，尙非忍辱偷生，是以仍加卹典。茲據該御史奏稱該督自九江逃回，關係天下大局。祥厚、霍隆武之死，慘烈可矜。江南數百萬生靈，慘遭荼毒，皆陸建瀛一人所致，請撤銷卹典等語。所奏係屬公論。陸建瀛業經賞還總督銜，復將原抄家產給還，已足示朕法外施仁之意，著毋庸另議卹典，以示區別。欽此。』

咸豐叁年捌月十壹日奉上諭：『孫瑞珍、慶琪奏浙江海運南糧驗收全完，並援照成案，懇請將出力各員鼓勵等語。此次浙江海運，事屬創始，經巡撫黃宗漢督同該司道等參酌成案經理得宜。統計前後未及四個月，即已全數起運交兌完竣，辦理實爲妥速，自應量予恩施，以示鼓勵。浙江巡撫黃宗漢加恩著賞戴花翎，糧道周起濱著賞戴花翎，均交部議敘。其餘辦理海運各員，並該撫前次保奏最爲出力之海防同知仲孫樊，均著該撫確實查明，酌量保奏，候朕施恩。其江蘇海運半石尾數，仍著孫瑞珍等督飭各該員等妥速驗收，隨時具奏，欽此。』

奉上諭：『給事中仙保奏京城巡防章程，請飭實力奉行一摺。京城內外戶口殷繁，奸兇易於混迹，前經降旨著步軍統領巡視，五城御史及營訊各員實力稽查，復命副都御史於城內外隨時巡查糾參，立

法已爲周密。惟是偏僻地面，客店、廟宇、往來租住之人，其中藏垢納污，尤所不免。仍著步軍統領衙門，分飭五營及城內八旗地面，各於所屬舖戶居民詳細查察。并遴派幹員認真巡查，務使宵小無從混迹，閭閻悉就肅清，毋得視爲具文。欽此。」

奉上諭：『光祿寺卿富興阿奏，請將聲名狼藉各員，一併交部議處。據稱廣西投効佐雜候陞知府謝繼超因觸怒士魁、三壽致被參劾等語。前賽尙阿奏參謝繼超摺內係營務翼長士魁稟揭，並無司員具稟之語。富興阿所稱郎中三壽、員外郎丁守存、遊擊鄧朝樑聲名狼藉之處，如有確據，著即據實復奏，欽此。』

奉上諭：『張芾奏江南軍餉，請由各省徑行解往，毋庸由江西轉解一摺。向榮大營軍餉銀兩，前由各省解至江西省城轉解，現在南昌被擾，道路難免阻滯，所有各省應解軍餉，著即由該省徑行解赴江南大營，毋庸由江西轉解。欽此。』

咸豐三年八月十七日奉上諭：『張芾奏賊匪撲營，官軍進擊獲勝一摺，六月二十四日逆賊數百名直撲九江鎮總兵馬濟美營盤。該總兵整隊出敵，所向披靡。忽於樹林內突至多賊，該總兵奮力揮戰，手刃數賊，中矛陣亡，我軍稍却，經張芾於城上督飭遊擊祥麟點放大砲，正中賊隊，守陣弁兵施放大砲、抬槍，城外亦開砲接應，先後擊斃賊匪無數，並斃黃花紅衣賊目。鄱陽縣知縣沈衍慶督同候補從九品胡椿、陳炳龍管帶練勇由南面出隊，斃賊多名，並斃黃衣賊目。千總王樹英管帶練勇一同前進，賊衆始

退。參將羅玉斌督帶川勇、貴勇，參將文忠督帶九江鎮兵，與五品軍功和志泉所帶廣勇，分三路進擊。南贛鎮總兵阿隆阿統帶鎮標各兵，自進賢門趕來策應，該匪紛紛敗退，泗水而遁，淹斃甚多。復經張芾預飭知府耆齡，派外委哈玉麟、武舉馬春芳挑選練勇，由西邊空心砲臺分門督隊追截。督糧道鄧仁堃亦飭練勇出隊助戰。斃賊數十名，並斃黃衣賊目。此次逆匪冲撲營盤，經各路兵勇盡力勦殺，轉危爲功。正可乘此機會，督飭兵勇，激勵紳民，將該匪極力勦除，毋任竄逸。其江南、湖南、廣東各省兵勇，陸續均可趕到，定可一鼓殲擒，殄此醜類。該撫等身在行間，奮勇督戰，各路兵勇分門出隊，踴躍爭先，均堪嘉尚。九江鎮總兵世襲騎都尉馬濟美忠貞後裔，迭著戰功，此次身先士卒，乘勝邁進，遇伏陣亡，殊堪憫惻。馬濟美著照總兵陣亡例，從優賜卹，任內一切處分，悉予開復，應得卹典，該衙門查例具奏。陝西武舉馬炳南救護該鎮，身被攢傷，同時殞命，著交部照千總陣亡例議卹，以慰忠魂。傷亡兵勇該撫咨部照例辦理。欽此。』

奉上諭：『富興阿奏遵旨復奏一摺，據稱戶部郎中三壽等在軍營擅作威福，重得苞苴；員外郎丁守存善於逢迎，得受贓私；遊擊鄧朝樑身家不清，在軍營與瑞存狼狽爲奸。雖皆未能指出確據，而該員等隨同賽尚阿出差，致招物議，必有自取之咎。三壽著撤銷京察一等記名，丁守存著撤退軍機章京，均著該部堂官隨時查看，如有別項劣跡，即行奏參。鄧朝樑是否身家不清，著步軍統領衙門查明具奏。』

咸豐三年八月十九日奉上諭：『勝保等奏連日續獲勝仗，現由內外夾攻一摺，據稱賊匪經大兵迭次

攻勦，擒斬甚多。初六日托明阿、勝保、善祿會同分路進攻，逆匪分股抗拒。托明阿、善祿將東北、正東二股賊匪擊斃二百餘名。南股賊匪甚衆，勝保督率將士揮兵接應，鎗砲擊斃一百餘名，逆匪逃遁，我兵乘勝掩殺，復斃百餘名。該逆復由東北擁出，直撲勝保陣前，我兵俟其撲入，奮勇迎擊，斃賊百餘名。其南路股匪經西安馬隊副都統雙成及黑龍江馬隊分抄截殺，鎗斃百餘名，中箭而逃者無數。自辰至酉，統計殺賊八、九百名，其搖旗領隊之長髮賊，均被殺死。逆匪圍城，迭經官兵痛勦，賊膽已寒，無難殲滅。現在恩善等各帶官兵移營前進，著即會同托明阿、勝保、善祿等分路夾擊，迅解懷慶之圍，並嚴杜賊匪竄逸之路。務將逆黨殲除淨盡，肅清河北，以慰朕懷。欽此。』

咸豐三年八月二十日奉上諭：『前據花沙納等奏編查保甲，擬設巷長稽查總甲互保章程，當令載銓體酌情形核議具奏。茲據奏稱十家總牌，聯名互保，並置立巷長，就近稽查，均屬可行。惟舊例地面官查比家戶，逐戶登記，意歸巷長辦理，恐地面官轉得藉詞推諉，殊於地方無益等語。所請凡城以內，著仍遵前旨責成地方官仍遵舊例認查（真）稽查。所有添設巷長之處，著毋庸議。其擬立十家總牌，仍與十家戶舊例可以並行不悖。即著步軍統領衙門飭令該管地方官妥爲辦理，以專責成。至各門出入稽查，尤宜嚴密，並著花沙納等一體認真巡查，毋得日久生懈。欽此。』

奉上諭：『給事中雷維翰奏請飭拿私販硝磺，以防影射，而杜接濟一摺。私販硝磺，久干例禁。若如該給事中所奏，官役以採辦爲詞，特有印文影射，即拿獲到官，亦可藉詞狡販，甚至沿途售賣，各處土

棍轉輾與販，接濟奸徒，弊端百出。關津渡口官役人等，往往得規包庇。是官役私販，較之民間尤難破案，亟應明定章程，嚴行懲辦。著直隸、山西各督撫順天府府尹於出產硝磺之處，認真查核，嚴緝究辦。並著各直省一體嚴拿毋稍狗隱，該給事中所擬章程，該部核議具奏。欽此。」

咸豐三年八月二十一日奉上諭：『琦善等奏連次攻城殺賊，並擊退瓜州賊船，續獲勝戰一摺。據稱：七月初四日，賊由鈔關門以南之驢子巷擁出數百人，經千總史光凱帶兵迎擊，殲斃多名，奪獲鎗砲器械多件。初六日午刻，天寧門擁出賊匪數百名，都司常萬清、守備富綸布等帶兵截擊，用銅砲轟斃十餘名，設伏擊斃七、八十名，殺獲首級五顆，賊匪假敗入城，我兵追至護城河邊，又擊斃數名。初八日黎明，瓜州賊船數百隻，竄至三汊河，總兵瞿騰龍整兵追擊，侍衛德興阿帶領馬隊列陣以待，並派都司滿祿帶河州官兵駐紮西岸。賊衆四千餘名由運河東岸直撲三汊河口山東官兵營盤。瞿騰龍督率游擊安勇黃志配、葉榮、都司毛三元、守備馬連科帶領山東直隸官兵過河游擊，殺賊無數。另股賊匪二、三千人由揚子橋河口欲撲南門，我兵用砲連環轟擊。逆匪又從上游桂花莊直撲鈔關門以西，繞赴南門東岸。瞿騰龍帶領官兵趕往追擊，並派游擊史英奎率漢中營、都司余兆青率湖南兵渡河合力截擊。逆匪死拒不退，經史英奎、余兆青從旁橫冲，瞿騰龍迎面進攻，賊衆大潰。又派奇兵由儀徵河西岸腰截，兩岸夾攻，我兵用火箭噴筒火彈，焚毀賊船數十隻，餘匪敗竄，仍匿瓜州賊巢。此次接仗共斃賊數百名。其燒斃淹斃者，不計其數。斬獲長髮首級數十顆，奪獲砲械多件，並獲偽左軍、偽右軍將軍令旗各件。又據福

濟奏密派兵勇於□凝門一帶設伏。初七日賊由木牌浮橋蜂擁而來，把總楊成章等伏兵突出，圍攻殺賊四、五十名，並擒僞帥毛老四一名，餘匪敗退。逆匪復聚四、五百人出城，我兵奮勇爭先，與雷以誠所派鄉勇擊斃賊匪，及溺水死者七、八十人各等語。逆匪占踞揚城，經我兵四面圍攻，迭獲大勝，賊勢益形窮蹙。著該大臣等督飭官兵，乘此聲威，合力進剿，務期於克復後盡殲醜類，毋令再有竄逸。欽此。」

奉上諭：「吳文鎔奏剿辦尋甸回匪獲勝情形一摺。滇省東川回省滋事，前經吳文鎔帶兵出省剿辦。茲據奏稱該匪被剿，逃至尋屬之樹肚地方，勾結八甲各村寨回民，恃蠻抗拒，於六月初五等日經我兵圍攻，殺賊數十人及百餘人。首匪馬三花於十五日夜掣帶千餘人，竄至尋城迤北之魯冲回寨，煽惑八甲匪徒負隅不出。經吳文鎔督令署臬司崔光笏及首府等分兵進剿，並飭總兵愛興阿、常存兩路夾攻。該匪出隊迎拒，我兵鎗炮齊施，斃賊無算，直入賊巢，斬首數百人。首匪馬鵬程等亦經拿獲，訊明正法。現在八甲地方業已肅清等語。回匪經官兵痛加剿洗，該督務將餘匪悉數殲除，勿留餘孽，其在逃之首犯馬三花等，仍著嚴拿，務獲懲辦，毋疎稍縱。欽此。」

上諭：「勞崇光奏與安會匪剿辦肅清一摺。廣西與安縣城收復之後，著名首要各犯，及甘心從賊漏網稽誅者，尙復不少。經該撫分派文武員弁帶領兵勇，分投馳赴各村會委員等與該處紳耆相見，曉以隱匿連坐之條，並諭以良民被脅皆維（准）自新之意。各紳民皆知感悟，立將各犯拿解，共計一千五百餘名。所有起意首犯黃老小、王六子、黃狗晚，及著名要犯趙八、雍□標、鄧星香等俱拿獲到案，經臬司許祥光訊明供詞後，即行分別正法，傳首梟示，各首犯皆處以極刑。其全州、支川、灌陽兵勇團練亦陸續拿

獲逸犯多名，與著名各犯均已次第就俘。現在地方一律肅清，辦理尙屬認真。所有酌留官兵分撥各城圩藉資彈壓，並分派委員清查保甲，勸諭紳耆實行團練各事宜，均著照所擬辦理。該撫仍當飭屬加意搜捕，務使盡絕根株，無任蔓延，用副朕除暴安良之至意。另片武宣、象州、武緣、馬平、鬱林、博白、北流、賀縣等均有土匪滋擾，現經該撫派撥官兵練勇委員分投剿辦。南邑壯練械鬥之案，業經拿獲解散。其廣東竄擾蒼梧之匪，亦經兩省會合兜援。在逃之馬平縣逆匪韋藍氏及其子韋吉果，並主使附和各犯，仍著嚴拿，務獲盡法懲辦，以遏奸匪。欽此。』

咸豐三年八月二十三日奉上諭：『納爾經額恩善奏剿賊獲勝一摺，據稱：七月初六、初七等日，恩善督令董占元、花里雅遜布、雙祿分領各營步隊直抵丹河南岸，於木城外施放鎗砲，斬擒賊匪數十名。初八日，復親督吉林、黑龍江及山東、直隸等營官兵至丹河沿岸排陣，先令兵丁過河，燒燬賊□民房，二等侍衛蘊秀、督標右營遊擊楊洪額施放鎗砲火箭，打入城壘，轟斃賊目二名，賊匪六名，燒燬木城數丈。突有長髮賊目手執黃旗率賊百餘人，直撲我軍。河北鎮右營經制外委徐春芳躍馬當先，生擒賊目，官兵復殺斃賊匪數十名，並搜殺賊匪十餘名。訊明賊匪係僞司馬吉振青，業經正法等語。此次攻剿賊匪，河北鎮經制外委徐春芳自行施用鎗矛，擒獲賊目，尙屬奮勇出力，著以把總升用，並賞戴藍翎。現在恩善率領馬步各隊，會同李德過河攻擊，著即合力追剿，迅解懷慶之圍，毋稍延誤。欽此。』

咸豐三年八月二十五日奉上諭：『華山奏，管帶官兵擅自先回之協領等語。張家口協領海長管帶察哈爾第四起官兵，尙欠八十餘名，未經到齊，乃不候查點，擅自先回。迨該署都統回任，復向其查問，輒復狡辯，實屬任性乖張。海長著即革職，以示懲儆。至此起官兵現駐南苑，是否到齊，著僧格林沁等查明具奏。欽此。』

奉上諭：『訥爾經額、托明阿、勝保奏續獲勝仗一摺。懷慶城外賊匪負隅抗拒，本月十三日經托明阿、善祿、勝保分三路進攻，齊撲賊壘。先有巡哨賊匪數十人，直奔東南抵拒，托明阿、善祿督兵分投迎擊，鎗斃百餘人。該逆復由東面擁出數百人，我兵四路衝擊，殺賊一百數十名。維時勝保分兵赴各賊壘放火喊殺，阻其救援。一面用土草填塞濠溝，揮兵直入賊壘。該逆猝不及防，驚呼踴跳。有賊目十餘人執旗揮指逆衆蜂擁而出，我軍領兵相接，殺斃逆匪二百數十名，多係長髮賊目。賊隊大潰。此次進攻，托明阿、善祿分路兜擊，勝保復揮兵深入，奮勇可嘉。現在訥爾經額已抵清化鎮，副都統松玉、前經總兵德坤及遊擊吳璋所帶各路官兵均可趕到托明阿軍營，著該大臣督率各路大兵，四面圍剿，掃蕩賊氛。迅解懷慶之圍，毋稍延緩。欽此。』

八月二十六日奉上諭：『訥爾經額恩善奏，官兵續獲勝仗一摺，據稱：十五日同托云保、蘊秀等督率馬隊官兵至丹河排隊，先令吉林馬隊過河。見西南一帶有賊匪百餘名，搖旗隱伏樹林內。馬隊直趨向前，追至木柵濠溝外，鎗斃賊匪過半。步隊隨亦過河施放鎗砲火箭火炮，打折木柵上大黃旗二桿，小旗

十餘件，擊倒望樓一座，擊斃賊匪無數。正定、通永、德州並巡捕營各兵奮勇越濠，將賊築砲營拆毀，並燒毀賊屋數十間，焚殺賊匪數十名。該匪突於西角鳴鑼吶喊，約有數千人，向我兵攻撲。我兵屹立不動，爭先迎擊，馬步齊進，擊斃數百名，生擒四名。本日據哈芬奏，陝安鎮總兵郝光甲於十五日帶兵由東路丹河抵水北關，向西北進攻，山東巡撫李德由北面進攻，與恩善三面會合，該鎮直抵木柵，開放連環鎗砲，並施放火箭，將該逆望樓燒毀。太原鎮總兵烏勒經額亦同進兵接仗各等語。該大臣現已行抵修武，著即趕緊前進，駐紮清化，督飭各路官兵剋期進攻，將丹、沁二河賊匪迅速掃除，早解懷慶之圍，以慰朕念。欽此。』

奉上諭：『張芾奏連日戰守情形一摺，據稱六月二十九日，德勝門西城垛塌處，有賊數百名乘勢攻撲。當經張芾委令職員江忠濟督率楚勇擊退，斃數千人。並飭令兵役將城垛修築。七月初一日，張芾、陳孚恩商同江忠源派令總兵阿隆統領兵勇，由永和門營盤分三路進攻賊營。已革臬司六品頂戴徐思莊、糧道鄧仁堃、知府林福祥由空心砲臺出隊。府勇首先撲近賊營，經兵勇隨後策應，賊衆拒敵，各勇奮力追剿，賊衆却而復前，委員臨川縣知縣馬永熾督率兵勇向前擊退。廣勇、川勇、貴勇繞東北兩路攻殺賊數十名，復將賊營房屋十餘間全行燒燬。並派辰州撫州兵、鍾祥勇由羣江門出隊進攻賊巢，楚勇緃城接應，賊衆拚死抗拒。兵勇奮力殺死多人，先後擊斃一百數十名等語。逆匪向南面四十餘里，迭經兵勇出隊接仗獲勝，賊鋒已挫。現在向榮、駱秉章所派兵勇數千名，計日趕到，著張芾與陳孚恩、江忠源即督飭各路將弁兵勇紳團合力攻剿，諒茲羣醜，不難指日蕩平也。欽此。』